



Broj: 02-05-28781-4/11
Sarajevo, 10.11.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **41.** sjednici održanoj **10.11.2011.** godine, donijela je sljedeći

ZAKLJUČAK

1. Utvrđuje se Nacrt zakona o izvršavanju budžeta Kantona Sarajevo za 2012. godinu.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, Nacrt zakona iz tačke 1. ovog Zaključka stavi u dalju proceduru razmatranja i donošenja.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo finansija
5. Evidencija
6. A r h i v a



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
VLADA

Z A K O N
O IZVRŠAVANJU BUDŽETA KANTONA SARAJEVO
ZA 2012. GODINU
(Nacrt)

Sarajevo, novembar 2011. godine

Na osnovu čl. 18. tačka b) i 38. stav (3) Ustava Kantona Sarajevo ("Službene novine Kantona Sarajevo" br: 1/96, 2/96, 3/96 , 16/97,14/00, 4/01 i 28/04), Skupština Kantona Sarajevo, na sjednici održanoj godine, donijela je

Z A K O N
O IZVRŠAVANJU BUDŽETA KANTONA SARAJEVO
ZA 2012. GODINU

I OPĆE ODREDBE

Član 1.

Ovim zakonom uređuje se: struktura prihoda i primitaka, te rashoda i izdataka Budžeta Kantona Sarajevo za 2012.godinu (u daljnjem tekstu: Budžet) i njegovo izvršavanje , prioriteta plaćanja, obim zaduživanja i garancija, upravljanje finansijskom i nefinansijskom imovinom, prava i obaveze korisnika budžetskih sredstava (u daljnjem tekstu: korisnik), nadležnosti Vlade Kantona Sarajevo (u daljnjem tekstu : Vlada), Ministarstva finansija Kantona Sarajevo (u daljnjem tekstu: Ministarstvo finansija), i ministra finansija Kantona Sarajevo (u daljnjem tekstu: ministar finansija) u izvršavanju Budžeta za tekuću godinu, kazne za neispunjanje obaveza i druga pitanja u vezi sa izvršavanjem Budžeta.

II STRUKTURA PRIHODA I PRIMITAKA
TE RASHODA I IZDATAKA

Član 2.

- (1) Budžet se sastoji od općeg i posebnog dijela i plana razvojnih programa.**
- (2) Opći dio Budžeta sastoji se od Računa prihoda i rashoda i Računa finansiranja.**
- (3) Posebni dio Budžeta sastoji se od plana rashoda i izdataka korisnika raspoređenih u tekuće i razvojne programe za tekuću budžetsku godinu i naredne dvije budžetske godine.**
- (4) Plan razvojnih programa čine planovi razvojnih programa budžetskih korisnika koji su utvrđeni Strategijom razvoja Kantona Sarajevo do 2015. godine, posebnim zakonima ili drugim propisima.**

Član 3.

- (1) Račun prihoda i rashoda Budžeta sastoji se od:**

1. Prihoda:

- poreza koji su utvrđeni zakonom,
- neporeznih prihoda koji su utvrđeni propisima,
- administrativne i sudske takse, naknade utvrđene kantonalnim propisima, posebne naknade i novčane kazne,
- prihoda ostvarenih obavljanjem osnovne djelatnosti i ostalih poslova budžetskih korisnika (u daljnjem tekstu: vlastiti prihodi),
- namjenske donacije,
- primljene potpore (transferi) od drugih nivoa vlasti,

2. Rashoda:

- za servisiranje vanjskog duga i kamata

- za zaposlene, kao što su tekući izdaci za plaće, naknade, izdaci za materijal i usluge
- tekući transferi i
- kapitalni transferi.

(2) U računu finansiranja iskazuju se primici od finansijske i nefinansijske imovine, inostranih i domaćih transfera, primljenih kredita i zajmova, te izdaci za finansijsku i nefinansijsku imovinu.

III – IZVRŠAVANJE BUDŽETA

1. Korištenje sredstava Budžeta

Član 4.

(1) Sredstva Budžeta osiguravaju se korisnicima koji su u Posebnom dijelu Budžeta određeni za nosioce sredstava na pojedinim pozicijama.

(2) Korisnici mogu sredstva Budžeta koristiti samo za namjene koje su utvrđene Budžetom, a u skladu sa svojim godišnjim finansijskim planom i prema dinamici utvrđenoj planom novčanih tokova i tromjesečnim i mjesečnim operativnim planovima.

(3) Budžet se izvršava na osnovu mjesečnog plana alokacije raspoloživih budžetskih sredstava budžetskim korisnicima, koji odobrava ministar finansija, na osnovu plana novčanih tokova.

(4) Izuzetno, zbog neusklađenosti priliva sredstava u Budžet prema tromjesečnim i mjesečnim planovima novčanih tokova, Ministarstvo finansija može izmijeniti dinamiku doznake sredstava pojedinim korisnicima.

2. Plan novčanih tokova

Član 5.

(1) Ministarstvo finansija nadležno je za planiranje tromjesečnih i mjesečnih novčanih tokova kojima se procijera priliv i odliv sredstava sa Jedinstvenog računa Trezora (u daljem tekstu: JRT) i koji predstavljaju osnovu za izvršavanje Budžeta.

(2) U svrhu izrade tromjesečnih i mjesečnih planova novčanih tokova Ministarstvo finansija – Sektor za Trezor (u daljem tekstu: Trezor) će, između ostalih, koristiti i slijedeće izvore podataka:

- krajnje stanje na JRT za prethodni period,
- prognoze o svim prihodima na JRT,
- prognoze otplate duga i
- prognoziranje svih rashoda i izdataka

3. Finansijski planovi

Član 6.

(1) Na osnovu alokacije budžetskih sredstava i instrukcije Ministarstva finansija, korisnici pripremaju i podnose prijedloge operativnih budžeta Ministarstvu finansija.

(2) Korisnici su obavezni Ministarstvu finansija dostavljati prijedloge tromjesečnih finansijskih planova za izvršenje Budžeta 15 dana prije početka tromjesečja uzimajući u obzir utvrđenu dinamiku priliva i odliva sredstava, koji predstavljaju okvir za mjesečne

finansijske planove koji će obuhvatati rashode za svaki mjesec. Rashodi svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koji je utvrdilo Ministarstvo finansija.

(3) Ministarstva koja u svom razdjelu sadrže budžetske potrošačke jedinice – glave, dužna su izraditi prijedloge tromjesečnih finansijskih planova za njih i iste dostaviti Ministarstvu finansija.

(4) Tromjesečne operativne planove izvršavanja Budžeta utvrđuje ministar finansija.

(5) Ako korisnik Ministarstvu finansija ne podnese prijedlog tromjesečnog finansijskog plana, operativni plan za tog korisnika predlaže Ministarstvo finansija.

(6) Ministarstvo finansija obavijestit će korisnike o odobrenim operativnim planovima izvršavanja budžeta.

Član 7.

Rashodi koji nisu predviđeni mjesečnim operativnim planom izvršavanja Budžeta, ili rashodi koji zahtjevaju prekoračenje pojedinih stavki u mjesečnom operativnom planu za izvršavanje Budžeta, mogu se, u izuzetnim slučajevima, podmiriti uz saglasnost ministra finansija iz sredstava godišnjeg plana za iste namjene.

Član 8.

Ministarstvo finansija prenosi neutrošena sredstva po pojedinim stavkama rashoda iz mjesečnog operativnog plana izvršavanja Budžeta na iste stavke u naredni mjesečni operativni plan izvršavanja Budžeta iste budžetske godine.

4. Dinamika izvršavanja

Član 9.

Budžet će se izvršavati po slijedećoj dinamici:

1. plaćanje obaveza po kreditima, reprogramiranim obavezama i povrata javnih prihoda po zahtjevima poreznih obveznika na osnovu rješenja Porezne uprave FBiH,
2. plaće, doprinosi, porezi i naknade zaposlenima,
3. izdaci za materijal i usluge,
4. tekući transferi,
5. kapitalni transferi i
6. izdaci za nabavku stalnih sredstava

5. Tekuća rezerva

Član 10.

(1) Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve.

(2) Tekuća rezerva iznosi do 3% ukupnih prihoda Budžeta, bez primitaka.

(3) O raspodjeli sredstava tekuće rezerve Budžeta odlučuje Vlada uz prethodno mišljenje Ministarstva finansija, a u skladu s kriterijima za upotrebu sredstava tekuće rezerve, utvrđenih u Odluci o kriterijima za raspodjelu sredstava iz tekuće rezerve Budžeta Kantona Sarajevo.

(4) Izuzetno od stava (3) ovog člana, korištenje tekuće rezerve do 100.000 KM kvartalno može odobriti premijer Kantona, a do 50.000 KM kvartalno može odobriti ministar finansija.

(5) O korištenju sredstava tekuće rezerve Ministarstvo finansija podnosi Vladi tromjesečno izvještaj, a Vlada polugodišnje izvještava Skupštinu Kantona Sarajevo (u daljem tekstu: Skupština Kantona).

(6) Korisnik sredstava tekuće rezerve dužan je podnijeti izvještaj o utrošku sredstava, a neutrošeni dio odobrenih sredstava vratiti u tekuću rezervu.

(7) Odluka o utrošku budžetske rezerve objavljuje se u "Službenim novinama Kantona Sarajevo".

Član 11.

(1) Ako se tokom godine proširi nadležnost ili djelokrug korisnika ili se osnuje novi korisnik što zahtjeva povećanje sredstava, sredstva za njegovu djelatnost obezbjedit će se iz tekuće rezerve Budžeta, a odobrava ih Vlada.

(2) Ako se u toku godine, na osnovu zakona i drugog propisa umanji djelokrug ili nadležnost korisnika, što zahtijeva smanjenje sredstava, ili korisnik prestane postojati, neutrošena sredstva za njegove troškove, uz odobrenje Vlade, prenose se u tekuću rezervu Budžeta ili na korisnika koji preuzme poslove.

6. Uplata prihoda i platne transakcije

Član 12.

(1) Svi prikupljeni i naplaćeni javni prihodi koji pripadaju Budžetu uplaćuju se na depozitni račun Budžeta .

(2) Obavljanje platnih transakcija vrši se preko transakcijskih računa koji su sastavni dio JRT.

(3) Potpisnici naloga platnih transakcija putem računa iz st. (1) i (2) ovog člana su: Premijer Kantona, ministar finansija ili lice koje je ministar finansija ovlastio i pomoćnik ministra finansija za Trezor.

Član 13.

(1) Neiskorištene aproprijacije i opterećenja ističu 31.januara naredne godine.

(2) Aproprijacije se mogu prenositi u narednu fiskalnu godinu za finansiranje kapitalnih projekata iz posebnih fondova, kao i za finansiranje projekata od posebnog značaja za razvoj privrede ili poboljšanja efikasnosti.

(3) Aproprijacija u svrhe finansiranja višegodišnjih kapitalnih projekata prenose se na narednu fiskalnu godinu prema iznosima i vremenskom rasporedu utvrđenom u Dokumentu okvirnog budžeta.

7. Prihodi od vlastite djelatnosti budžetskog korisnika, donacije i transferi

Član 14.

- (1) Korisnici mogu koristiti vlastite prihode, donacije i transfere prema izvještaju Ministarstva finansija koji im se dostavlja do 15. u mjesecu za prethodni mjesec, samo ako su ostvareni i utvrđeni u planovima iz čl. 5.i 6. ovog zakona.
- (2) Korisnici mogu koristiti vlastite prihode na način i po postupku utvrđenim Uredbom o utvrđivanju vlastitih prihoda , načina i rokova raspodjele i Uputstvom o prikupljanju , evidentiranju i raspolaganju vlastitim prihodima od strane budžetskih korisnika.
- (3) Namjenske donacije i transferi koji nisu planirani u Budžetu, a ostvare se u toku godine, unositi će se i raspoređivati odlukom ministra finansija i postaju sastavni dio Budžeta, a odluka će se objaviti u "Službenim novinama Kantona Sarajevo".**
- (4) Nadležna ministarstva i drugi korisnici odgovorni su za planiranje, prikupljanje i uplaćivanje vlastitih prihoda.**

Član 15.

- (1) Vlastiti prihodi, donacije, transferi i prihodi čija je namjena utvrđena posebnim propisima uplaćuju se na depozitni račun Budžeta.
- (2) Razgraničeni vlastiti prihodi, donacije i transferi moraju se utrošiti do 30. juna tekuće godine, a neutrošeni dio postaje javni prihod Budžeta.

8. Povrati

Član 16.

- (1) Pogrešno ili više uplaćeni prihodi u Budžet vraćaju se uplatiocima na teret tih prihoda za tekuću godinu, a pogrešno ili više uplaćeni prihodi u Budžet prethodnih godina vratiće se uplatiocima iz sredstava planiranih u razdjelu Ministarstva finansija pozicija Ostali transferi - Povrati pogrešno uplaćenih sredstava na JRT.
- (2) Rješenje o odobravanju povrata donosi ministar finansija, a na osnovu uvjerenja ili rješenja nadležnog kontrolnog organa.
- (3) Korisniku za koga je izvršen povrat pogrešno ili više uplaćenih vlastitih prihoda iz ranijih godina umanjit će se vlastiti prihodi u tekućoj godini za vraćeni iznos, preknjiženjem u Glavnoj knjizi Trezora sa korisnika na Trezor .

9. Preraspodjela sredstava

Član 17.

- (1) Ministarstvo finansija, na prijedlog budžetskog korisnika može donijeti odluku o preraspodjeli rashoda u okviru ukupnog iznosa odobrenog za budžetskog korisnika, a najviše do 10% ukupno odobrenih rashoda za budžetskog korisnika.**
- (2) Obim i vrstu preraspodjele sredstava utvrdiće ministar finansija.**

(3) U okviru odobrenog Budžeta, preraspodjela sredstava iznimno je dozvoljena između korisnika, o čemu odlučuje Vlada na prijedlog Ministarstva finansija.

10. Izvršavanje plaća, tekućih i kapitalnih izdataka

Član 18.

(1) Korisnici su dužni pomoćnim operativnim centrima (POC) i Ministarstvu finansija dostavljati rješenja o zasnivanju i prestanku radnog odnosa zaposlenika u roku od 8 dana od dana zasnivanja, odnosno prestanka radnog odnosa, kao i rješenja o prekovremenom radu do kraja tekućeg mjeseca.

(2) Kontrolu platnih razreda i koeficijenata utvrđenih u rješenjima iz stava (1) ovog člana vršit će Glavni operativni centar (GOC).

(3) Prekovremeni rad uposlenika može trajati najviše 10 sati sedmično, a u izuzetnim slučajevima još 10 sati sedmično, o čemu odlučuje rukovodilac rješenjem.

(4) Ukoliko se u roku iz stava (1) ovog člana ne dostavi rješenje, Ministarstvo finansija neće vršiti obračun plaće i naknade zaposlenom.

(5) Sredstva pozicija "Naknade troškova zaposlenih" doznačavat će se korisnicima u skladu s propisima.

(6) Naknade za ugovorene usluge za rad u komisijama, grupama, savjetima, timovima i dr. planirane na pozicijama tekući izdaci izvršavat će se u skladu s Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe.

Član 19.

Utrošak planiranih bruto plaća i naknada troškova zaposlenih i izdataka za materijal i usluge, transferi za povrat pogrešno ili više uplaćenih prihoda iz prethodnog perioda i izdataka za otplate dugova, kao i planiranih tekućih transfera i kapitalnih izdataka i kapitalnih transfera, izvršavat će se u skladu sa članom 4. stav (2) ovog zakona.

Član 20.

(1) Korisnici su dužni da se, u postupku nabavke robe, radova i usluga pridržavaju Zakona o javnim nabavkama Bosne i Hercegovine, kao i procedura i postupaka propisanih podzakonskim aktima.

(2) Ministarstvo finansija obustaviće unos obaveza i plaćanja ako prethodno nije provedena procedura iz stava (1) ovog člana, za čiju zakonitost je odgovoran korisnik.

Član 21.

Sredstva tekućeg transfera jedinicama lokalne samouprave, planirana u razdjelu 11 Kabinet Premijera, Stručna služba Vlade, jedinice lokalne samouprave, neprofitne organizacije i pomoć vjerskim zajednicama, Ured za zakonodavstvo Vlade Kantona, Protokol, Press služba

i Ured za kvalitet, Glava 03, potrošačka jedinica 0001 Tekući transfer jedinicama lokalne samouprave transferisat će se mjesečno u iznosu do 1/12 planiranih sredstava.

Član 22.

(1) Sredstva namjenjena za finansiranje parlamentarnih grupa Vlada će rasporediti tako da 30% od predviđenog iznosa rasporedi na parlamentarne grupe koje su zastupljene u Skupštini Kantona u jednakim iznosima, a preostalih 70% prema broju zastupnika u Skupštini Kantona.

(2) Sredstva za finansiranje udruženja izvršavaće se u okviru razdjela ministarstava, na osnovu Javnog poziva, a po kriterijima koji su utvrđeni propisom Vlade.

(3) Sredstva tekućih transfera pojedincima i neprofitnim organizacijama dodjeljivaće se pojedinačnim odlukama, a u skladu sa propisom Vlade.

11. Računovodstvo

Član 23.

(1) Svi korisnici dužni su voditi evidenciju pomoćnih knjiga i to: ulaznih faktura, izlaznih faktura, blagajne, stalnih sredstava, kredita, plaća, sitnog inventara, dnevnih i knjigu potraživanja.

(2) Korisnici koji se prijavljuju kao PDV obveznici obavezni su voditi posebne evidencije pomoćnih knjiga za ulazne i izlazne fakture, u kojima je prikazan ulazni i izlazni PDV.

Član 24.

(1) Ministarstva i korisnici su obavezni primjenjivati budžetsko računovodstvo i Računovodstvene politike za budžetske korisnike i Trezor Kantona Sarajevo.

(2) Prihodi i primici priznaju se samo u onom periodu kada su mjerljivi i raspoloživi, odnosno kada su uplaćeni na JRT.

(3) Rashodi i izdaci priznaju se u onom periodu kada je obaveza nastala za plaćanje.

IV ZADUŽIVANJE I UPRAVLJANJE FINANSIJSKOM I NEFINANSIJSKOM IMOVINOM

1. Zaduživanje

Član 25.

(1) Kanton Sarajevo (u daljnjem tekstu: Kanton) može stvoriti obaveze po osnovu zaduživanja u skladu sa Zakonom o budžetima u Federaciji Bosne i Hercegovine i Zakonom o dugu, zaduživanju i garancijama u Federaciji BiH, ako je Skupština Kantona odobrila zaduživanje ili izdavanje garancija.

(2) Kanton se može dugoročno zaduživati i izdavati garancije u skladu sa odredbama Zakona o dugu, zaduživanju i garancijama u Federaciji Bosne i Hercegovine.

(3) **Kratkoročni dug može nastati samo radi finansiranja deficita nastalog iz gotovinskog toka i otplatit će se u fiskalnoj 2012. godini u kojoj zaduženje i nastaje i ni u kom vremenskom periodu u toku tekuće fiskalne godine ne može preći 5% ostvarenih prihoda bez primitaka u prethodnoj fiskalnoj godini.**

(4) **U upravljanju dugovima Federacija i Kanton zajedno se dogovaraju i određuju gornji nivo konsolidiranog duga i gornji nivo novih zajmova u fiskalnoj godini za koju se budžet donosi.**

(5) **U skladu sa Zakonom o dugu, zaduživanju i garancijama u Federaciji Bosne i Hercegovine i Procedurama zaduživanja Kantona Sarajevo na osnovu unutrašnjeg i vanjskog duga i izdavanja garancija, Kanton se u 2012. godini može dugoročno zadužiti za finansiranje kapitalnih investicija utvrđenih Programom javnih investicija Kantona Sarajevo 2011-2013.godina iz osnova novog zaduživanja u visini do 149.000.000,00 KM.**

2. Upravljanje imovinom

Član 26.

(1) Korisnik koji stekne nekretninu, obavezan je u roku od 30 dana od dana sticanja podnijeti zahtjev sa potrebnom dokumentacijom Pravobranilaštvu Kantona Sarajevo (u daljnjem tekstu: Pravobranilaštvo) radi podnošenja prijedloga za upis nekretnine u zemljišne knjige.

(2) Pravobranilaštvo će sastaviti zemljišnoknjižni prijedlog i isti podnijeti nadležnom sudu radi upisa nekretnine u zemljišne knjige.

(3) Korisnik je dužan u roku 30 dana od dana dobivanja dokaza o upisu u zemljišne knjige svojim operativnim jedinicama dostaviti isti radi evidentiranja u Glavnoj knjizi Trezora.

Član 27.

(1) Kada korisnik stiče nekretninu bez naknade, Pravobranilaštvo podnosi zemljišnoknjižni prijedlog za upis nekretnine po prethodno dobijenoj saglasnosti od Vlade.

(2) Korisnik je dužan u roku 30 dana od dana dobivanja dokaza o upisu u zemljišne knjige nekretnine iz stava (1) ovog člana svojim operativnim jedinicama dostaviti isti radi evidentiranja u Glavnoj knjizi Trezora.

Član 28.

(1) Kada se sredstva Budžeta koriste za sanaciju, dokapitalizaciju ili kao udio u sredstvima pravnog lica, Kanton postaje vlasnikom u tim pravnim licima srazmjerno uložnim sredstvima.

(2) Imovinu iz vlasništva Kantona iz stava (1) ovog člana upisuje njen korisnik u svojoj evidenciji, a pravna lica upisuje Kanton kao vlasnika srazmjernog dijela kapitala.

(3) Evidenciju o imovini i vlasničkim udjelima iz st. (1) i (2) ovog člana vode korisnici i Ministarstvo prostornog uređenja i zaštite okoliša Kantona Sarajevo, a nalog sa adekvatnom dokumentacijom, dostavljaju operativnoj jedinici radi finansijske evidencije imovine u Glavnoj knjizi Trezora.

V FINANSIJSKO IZVJEŠTAVANJE

Član 29.

Ministarstvo finansija dužno je podnositi Vladi mjesečne finansijske izvještaje u roku od najviše 30 dana, a tromjesečne i polugodišnje finansijske izvještaje u roku od najviše 60 dana, od završetka svakog izvještajnog razdoblja.

Član 30.

(1) Korisnici su dužni, prema instrukcijama Ministarstva finansija, izraditi tromjesečne finansijske izvještaje sa obrazloženjem koja se odnose na programske rezultate izvršavanja budžeta i godišnji obračun svog finansijskog plana za prethodnu godinu.

(2) Tromjesečni finansijski izvještaji podnose se Ministarstvu finansija u roku 30 dana od isteka svakog tromjesečja, a godišnji obračun najkasnije do kraja februara tekuće godine.

Član 31.

Resorna ministarstva koja su nadležna za implementaciju razvojno-investicionih projekata iz Programa javnih investicija Kantona Sarajevo, finansiranih iz ino kreditnih sredstava, dužna su kvartalno dostavljati izvještaje Ministarstvu finansija o utrošku sredstava obuhvaćenih planom za 2012.godinu, po projektima.

Član 32.

(1) Ministarstvo finansija obavezno je izraditi godišnji obračun do kraja februara, a godišnji izvještaj o izvršavanju Budžeta za prethodnu godinu do kraja maja tekuće godine i isti dostaviti Vladi.

(2) Vlada je obavezna izvještaj o izvršavanju Budžeta iz stava (1) ovog člana podnijeti na usvajanje Skupštini Kantona u roku od šest mjeseci po završetku fiskalne godine.

(3) Izvještaj o izvršavanju Budžeta izrađuje se u skladu sa Zakonom o budžetima u Federaciji Bosne i Hercegovine.

Član 33.

Vlada, na prijedlog nadležnih ministarstava, dva puta godišnje razmatra izvještaje o poslovanju vanbudžetskih korisnika.

VI REVIZIJA I KONTROLA BUDŽETA

Član 34.

(1) Reviziju Budžeta vrši Ured za reviziju budžeta – proračuna u Federaciji Bosne i Hercegovine u skladu sa zakonom.

(2) Nadzor nad korištenjem budžetskih sredstava od strane korisnika obavlja Ministarstvo finansija – budžetska inspekcija .

- (3) Korisnici su obavezni urediti sistem interne kontrole u skladu sa međunarodnim standardima interne kontrole i organizovati internu reviziju u skladu sa Zakonom o internoj reviziji u javnom sektoru u Federaciji Bosne i Hercegovine.

VII TRANSPARENTNOST I JAVNOST BUDŽETA

Član 35.

U cilju obavještanja javnosti o upravljanju javnim prihodima, izvršavanje Budžeta objavljivat će se ukupno i po korisnicima i to: godišnji u "Službenim novinama Kantona Sarajevo", a polugodišnji i tromjesečni na web stranici Ministarstva finansija.

VIII KAZNENE ODREDBE

Član 36.

Novčanom kaznom od 1.000 KM do 5.000 KM kaznit će se za prekršaj odgovorno lice korisnika Budžeta ako sredstva Budžeta upotrebljava za namjene koje nisu utvrđene i ako preuzme obaveze iznad sume utvrđene u Budžetu (član 4. ovog zakona).

Član 37.

Novčanom kaznom od 1.000 KM do 3.000 KM kaznit će se za prekršaj odgovorno lice korisnika Budžeta:

- a) ako vlastite prihode koristi suprotno propisima iz člana 14. stav (2) ovog zakona,**
- b) ako koristi sredstva za kapitalna ulaganja i tekuće transfere prije provođenja procedura i postupaka propisanih Zakonom o javnim nabavkama Bosne i Hercegovine (član 20. stav (1) ovog zakona).**

Član 38.

Novčanom kaznom od 1.000 KM do 3.000 KM kazniće se za prekršaj odgovorno lice u Ministarstvu finansija i odgovorno lice korisnika ako vrši obračun i isplatu plaća i naknada uposlenika bez rješenja o zasnivanju, odnosno prestanku radnog odnosa i odobravanju isplate naknada, (član 18. ovog zakona).

IX PRELAZNE I ZAVRŠNE ODREDBE

Član 39.

Ovlašćuje se ministar finansija, da uz saglasnost Vlade, o provedbi ovog zakona donosi pravilnike, uputstva, naredbe i druge akte.

Član 40.

Na pitanja koja nisu regulisana ovim zakonom, primjenjivat će se Zakon o budžetima u Federaciji Bosne i Hercegovine.

Član 41.

Ovaj zakon stupa na snagu danom objavljivanja u "Službenim novinama Kantona Sarajevo", a primjenjivaće se od 01.januara 2012. godine.

Broj :
Sarajevo,

**PREDSJEDAVAJUĆA
SKUPŠTINE KANTONA SARAJEVO
Prof. dr. Mirjana Malić**

O b r a z l o ž e n j e

Ustavni osnov

Ustavni osnov za donošenje ovog zakona sadržan je u čl. 18.b) i 38. (3). Ustava Kantona Sarajevo kojim je utvrđeno da Skupština Kantona donosi zakone, te da se finansiranje funkcija Kantona vrši kroz Budžet koji donosi Skupština Kantona .

Razlozi za donošenje zakona

U skladu sa ustavnim opredjeljenjima, a u cilju obezbjeđivanja finansiranja funkcija Kantona iz Budžeta, neophodno je donijeti Zakon o izvršavanju Budžeta Kantona za 2012. godinu.

Zakonom o budžetima u Federaciji Bosne i Hercegovine utvrđeno je da se Budžet izvršava u skladu sa Zakonom o izvršavanju Budžeta.

Važnija rješenja iz zakona

I Opće odredbe

U članu 1. utvrđeno je da se Zakonom o izvršavanju Budžeta Kantona Sarajevo za 2012.godinu uređuje: struktura prihoda i primitaka, te rashoda i izdataka Budžeta Kantona Sarajevo za 2012.godinu i njegovo izvršavanje, prioriteti plaćanja, obim, zaduživanje, upravljanje finansijskom i nefinansijskom imovinom, prava i obaveze korisnika budžetskih sredstava, nadležnosti Vlade Kantona Sarajevo, Ministarstva finansija Kantona Sarajevo, i ministra finansija Kantona Sarajevo u izvršavanju Budžeta, sankcije za neispunjavanje obaveza i druga pitanja u vezi sa izvršavanjem Budžeta.

II Struktura Budžeta

Članom 2. regulisana je struktura Budžeta. Budžet se sastoji od općeg i posebnog dijela i plana razvojnih programa. Opći dio Budžeta sastoji se od Računa prihoda i rashoda i Računa finansiranja. Poseban dio Budžeta sastoji se od plana rashoda i izdataka korisnika raspoređenih u tekuće i razvojne programe za tekuću budžetsku godinu i naredne dvije godine, te plana razvojnih programa budžetskih korisnika koji su utvrđeni Strategijom razvoja Kantona Sarajevo do 2015.godine, zakonima i drugim propisima.

Članom 3. regulisano je da se račun prihoda i rashoda Budžeta sastoji od prihoda i to: poreza koji su utvrđeni zakonom, neporeznih prihoda koji su utvrđeni propisima, administrativnih i sudskih taksi, naknada utvrđenih kantonalnim propisima, posebnih naknada i novčanih kazni, vlastitih prihoda budžetskih korisnika, namjenskih donacija, primljenih potpora (transfera) od drugih nivoa vlasti i rashoda za zaposlene: za servisiranje vanjskog duga i kamata, plaće i naknade, izdaci za materijal i usluge, tekući transferi, kapitalni transferi, kao i višak rashoda nad prihodima iz Budžeta 2011.godine, te da se u računu finansiranja prikazuju primici od finansijske i nefinansijske imovine.

III Izvršavanje Budžeta

1. Korištenje sredstava Budžeta

Članom 4. utvrđeno je da se sredstva Budžeta odobravaju korisnicima koji su u Budžetu određeni kao nosioci sredstava na pojedinim pozicijama, da korisnici sredstva Budžeta mogu koristiti samo za namjene utvrđene u Budžetu, a u skladu sa godišnjim finansijskim planom i prema dinamici utvrđenoj tromjesečnim i mjesečnim planovima, te da se Budžet izvršava na osnovu mjesečnog plana alokacije raspoloživih sredstava koji odobrava Ministar finansija. Takođe je utvrđeno da se u slučaju neusklađenosti priliva sredstava u Budžet prema tromjesečnim i mjesečnim planovima novčanih tokova može izmjeniti dinamika doznake sredstava korisnicima koju vrši Ministarstvo finansija.

2. Plan novčanih tokova

Članom 5. utvrđena je nadležnost Ministarstva finansija za planiranje i utvrđivanje tromjesečnih i mjesečnih novčanih tokova kojima se procijera priliv i odliv sredstava sa JRT i koji predstavljaju osnovu za izvršavanje Budžeta, te da će u svrhu izrade tromjesečnih i mjesečnih planova novčanih tokova Ministarstvo finansija – Sektor za Trezor između ostalih, koristiti i slijedeće izvore podataka:

krajnje stanje na JRT za prethodni period, prognoze o svim prihodima na JRT, prognoze otplate duga i prognoziranje svih rashoda i izdataka.

Ovim članom je utvrđeno da Trezor na osnovu prikupljenih podataka utvrđuje plan novčanih tokova.

3. Finansijski planovi

Članom 6. utvrđena je obaveza korisnika da Ministarstvu finansija podnose prijedloge operativnih budžeta, te da tromjesečne finansijske planove izvršenja Budžeta dostavljaju Ministarstvu finansija 15 dana prije početka tromjesečja, kao i da rashodi korisnika ne mogu prelaziti iznose alociranih sredstava koje je utvrdilo Ministarstvo finansija. Takođe je utvrđena obaveza ministarstava koja sadrže budžetske potrošačke jedinice da za svoje potrošačke jedinice utvrđuju mjesečne i tromjesečne finansijske planove i iste dostavljaju Ministarstvu finansija. Reguliše se da operativne planove izvršavanja Budžeta utvrđuje ministar finansija. Istim članom propisuje se obaveza Ministarstva finansija da obavjesti korisnike o operativnim planovima izvršavanja Budžeta.

Članom 7. je utvrđeno da se rashodi koji nisu predviđeni mjesečnim operativnim planom izvršavanja Budžeta, ili rashodi koji zahtjevaju prekoračenje pojedinih stavki u mjesečnom operativnom planu mogu, u izuzetnim slučajevima, podmiriti iz sredstava godišnjeg plana za iste namjene, uz saglasnost Ministra finansija, što predstavlja moguću izmjenu dinamike trošenja budžetskih sredstava, a u svrhu finansiranja utvrđenih potreba.

Članom 8. utvrđuje se da Ministarstvo finansija prenosi neutrošena sredstva po pojedinim stavkama rashoda iz mjesečnog operativnog plana izvršavanja na iste stavke u naredni mjesečni operativni plan izvršavanja Budžeta iste budžetske godine.

4. Dinamika izvršavanja

Dinamika izvršavanja Budžeta utvrđena je članom 9. i predstavlja rezultat stvarnih potreba, odnosno sadašnje prakse u izvršavanju.

5. Tekuća rezerva

Članom 10. regulisano je da se iz tekuće rezerve podmiruju hitni i nepredviđeni izdaci . Tekuća rezerva iznosi do 3% ukupnih prihoda Budžeta. Takođe, je utvrđeno da o raspodjeli sredstava tekuće rezerve odlučuje Vlada, u skladu sa kriterijima za upotrebu sredstava tekuće rezerve, utvrđenih u Odluci o kriterijima za raspodjelu sredstava iz tekuće rezerve Budžeta Kantona Sarajevo. Ovim članom je utvrđen iznos korištenja rezerve koji može odobriti Premijer Kantona i ministar finansija, a u skladu sa njihovim nadležnostima. Takođe je propisana obaveza Ministarstva finansija da Vladi podnosi tromjesečni izvještaj o korištenju sredstava tekuće rezerve, a da Vlada polugodišnje izvještava Skupštinu Kantona. Propisana je obaveza korisnika sredstava tekuće rezerve da podnose izvještaj o utrošku sredstava, a da neutrošeni dio sredstava vrate u tekuću rezervu, kao i obaveza da se odluka o utrošku tekuće rezerve objavljuje u "Službenim novinama Kantona Sarajevo".

Članom 11. propisano je da će se iz tekuće rezerve Budžeta, uz odobrenje Vlade, obezbjediti sredstva za djelatnost korisniku koji se osnuje u toku godine, ili korisnika kojem se proširi nadležnost ili djelokrug. Takođe je utvrđeno da će se u slučaju ako se u toku godine umanjiti djelokrug ili nadležnost korisnika što zahtjeva smanjenje sredstava ili se korisnik ukine, neutrošena sredstva za njegove troškove uz odobrenje Vlade prenose se u tekuću rezervu Budžeta ili korisnika koji preuzme poslove.

6. Uplata prihoda, platne transakcije i povrati

Članom 12. regulisano je da se svi javni prihodi koji pripadaju Budžetu Kantona uplaćuju na depozitni račun Budžeta Kantona. Ovim članom je propisano da se preko transakcijskog računa vrši obavljanje platnih transakcija, te da su potpisnici naloga Premijer Kantona, ministar finansija ili lice koje ministar finansija ovlasti i pomoćnik ministra finansija za Trezor.

Članom 13. utvrđuje se da neiskorištene aproprijacije i opterećenja ističu naredne fiskalne godine.

Aproprijacije se mogu prenositi u narednu fiskalnu godinu za finansiranje kapitalnih projekata iz posebnih fondova, kao i za finansiranje projekata od posebnog značaja za razvoj privrede ili poboljšanja efikasnosti.

Aproprijacija u svrhe finansiranja višegodišnjih kapitalnih projekata prenose se na narednu fiskalnu godinu prema iznosima i vremenskom rasporedu utvrđenom u Dokumentu okvirnog budžeta, što je s aspekta značaja finansiranja i opravdanosti višegodišnjih ulaganja u kapitalne projekte opravdano.

7. Prihodi od vlastite djelatnosti,
donacije i transferi

Članom 14. reguliše se način korištenja prihoda od vlastite djelatnosti, donacija i transfera.

Takođe se obavezuju korisnici da prihod od vlastite djelatnosti koriste u skladu sa Uredbom o utvrđivanju vlastitih prihoda, načina i rokova raspodjele ("Službene novine Kantona Sarajevo", br: 24/08 i 23/09) i Uputstvom o prikupljanju, evidentiranju i raspolaganju vlastitim prihodima od strane budžetskih korisnika ("Službene novine Kantona Sarajevo", broj 36/08).

Ovim članom je utvrđeno da donacije koje imaju utvrđenu namjenu, transferi i primici koji nisu planirani u Budžetu, a ostvare se u toku godine namjenski će se unositi i raspoređivati u Budžet odlukom ministra finansija i postaju sastavni dio Budžeta, što je u skladu sa Zakonom o trezoru u Federaciji BiH.

Odgovornost korisnika za potpuno i pravovremeno prikupljanje i propisno uplaćivanje vlastitih prihoda utvrđeno je stavom (4) ovog člana.

Članom 15. regulisano je da se vlastiti prihodi transferi i prihodi čija je namjena utvrđena posebnim propisima uplaćuju na depozitni račun Budžeta. Istim članom je regulisano da se razgraničeni prihodi, donacije i transferi moraju utrošiti do 30.juna tekuće godine, a da ne utrošeni dio postaje javni prihod Budžeta.

8. Povrati

Članom 16. regulisano je da se pogrešno ili više uplaćeni prihodi u Budžet vraćaju uplatiocima na teret tih prihoda za tekuću godinu, a prihodi koji su uplaćeni u prošlim godinama vraćaju se uplatiocima iz sredstava planiranih u razdjelu Ministarstva finansija pozicija Povrat pogrešnih uplata, te da rješenja o povratu donosi Ministar finansija, što je u skladu sa Pravilnikom o procedurama za povrat više ili pogrešno uplaćenih javnih prihoda sa Jedinstvenog računa Trezora Kantona Sarajevo.

9. Preraspodjela sredstava

Članom 17. utvrđeno je da Ministarstvo finansija na prijedlog budžetskog korisnika može donijeti odluku o preraspodjeli rashoda, najviše do 10% ukupno odobrenih rashoda za budžetskog korisnika, što je u skladu s Zakonom o budžetima u Federaciji BiH, te da će obim i vrstu raspodjele utvrditi Ministar finansija.

Takođe je ovim članom regulisano da je preraspodjela sredstava iznimno dozvoljena između korisnika, o čemu odlučuje Vlada na prijedlog Ministarstva finansija. Ovakvim rješenjima data je mogućnost preraspodjele sredstava, a u svrhu finansiranja potreba svakog korisnika.

10. Izvršavanje plaća, tekućih i kapitalnih izdataka

Članom 18. regulisano je da su korisnici dužni POC-u i Ministarstvu finansija dostavljati rješenja o zasnivanju i prestanku radnog odnosa u roku od osam dana, kao i rješenja o prekovremenom radu, a radi potpune kontrole u sistemu Centralizovanog obračuna plaća. Takođe je regulisano da kontrolu platnih razreda i koeficijenata utvrđenih u rješenjima vrši GOC. Istim članom je regulisano koliko sati može iznositi prekovremeni rad, zatim da će se sredstva pozicije naknade troškova zaposlenih doznačavati u skladu sa propisima, a naknade za rad u komisijama u skladu sa odlukom Vlade Kantona.

Članom 19. regulisano je da se sredstva za planirane bruto plaće i naknade troškova uposlenih i izdaci za materijal i usluge, izdaci za otplate dugova, transferi za povrat više uplaćenih prihoda iz prethodnog perioda, kao i planiranih tekućih i kapitalnih transfera koriste prema finansijskim planovima, odnosno prema tromjesečnim i mjesečnim operativnim planovima.

Članom 20. utvrđeno je da su korisnici u postupku nabavke roba, radova i usluga obavezni primjenjivati Zakon o javnim nabavkama Bosne i Hercegovine.

Članom 21. utvrđeno je da sredstva tekućeg transfera jedinicama lokalne samouprave, a koja su utvrđena na osnovu kriterija iz Zakona o pripadnosti javnih prihoda u Federaciji Bosne i Hercegovine, transferišu mjesečno u iznosu od 1/12 planiranih sredstava.

Članom 22. utvrđeno je finansiranje političkih partija i koalicija zastupljenih u Skupštini Kantona.

Predlaže se da se precizno utvrdi da se sredstva za finansiranje političkih partija i koalicija raspoređuju tako da 30% pripada političkim partijama i koaliciji u jednakim iznosima, a 70% prema kriteriju učešća zastupnika u Skupštini Kantona Sarajevo.

2. Kriteriji za raspoređivanje sredstava za finansiranje udruženja i pojedinaca, utvrđeni su propisom Vlade.

11. Računovodstvo

Članom 23. regulisano je da su svi korisnici dužni voditi evidenciju pomoćnih knjiga i to: ulaznih faktura, izlaznih faktura, blagajne, stalnih sredstava, kredita, plaća, sitnog inventara, dnevnik i knjigu potraživanja, a korisnici koji se prijavljuju kao PDV obveznici obavezni su voditi posebne evidencije pomoćnih knjiga za ulazne i izlazne fakture, u kojima je prikazan ulazni i izlazni PDV, što je u skladu sa Zakonom o PDV-u.

Članom 24. regulisano je da su ministarstva i korisnici obavezni primjenjivati budžetsko računovodstvo uz poštivanje računovodstvenih načela i Računovodstvene politike.

IV Zaduživanje i upravljanje finansijskom i nefinansijskom imovinom

1. Zaduživanje

Članom 25. regulisano je da Kanton može stvoriti obaveze po osnovu zaduživanja u skladu sa Zakonom o budžetima u Federaciji Bosne i Hercegovine, ako je Skupština Kantona odobrila zaduživanje ili izdavanje garancije. Obzirom da je stupio na snagu Zakon o dugu, zaduživanju i garancijama u Federaciji Bosne i Hercegovine ("Službene novine FBiH", br: 86/07 i 24/09) kojim je utvrđen način zaduživanja, to se u nacrtu Zakona utvrđuje da se Kanton može zaduživati, izdavati garancije u skladu sa odredbama ovog Zakona.

Takođe se predlaže da kratkoročni dug može nastati samo radi finansiranja deficita nastalog iz gotovinskog toka, a da se isto ima otplatiti u fiskalnoj 2012. godini u kojoj zaduženje i nastaje i ni u kom vremenskom periodu u toku tekuće fiskalne godine neće preći 5% ostvarenih prihoda bez primitaka u prethodnoj fiskalnoj godini. Takođe je propisano da se u

upravljanju dugovima u Kantonu, Federacija i Kanton zajedno dogovaraju i određuju gornju razinu konsolidiranog duga Kantona, što predstavlja potpuno usklađivanje sa Zakonom o budžetima u Federaciji Bosne i Hercegovine.

2. Upravljanje imovinom

Članovima 26., 27. i 28. regulisano je upravljanje državnom imovinom u smislu obaveze podnošenja zahtjeva Pravobranilaštvu Kantona Sarajevo za dalje aktivnosti na uknjižbi vlasništva u zemljišnim knjigama. Utvrđuje se obaveza vođenja evidencije o imovini u Ministarstvu prostornog uređenja i zaštite okoliša i kod korisnika, te obaveza dostavljanja dokumentacije radi evidencije u Glavnoj knjizi trezora.

V Finansijsko izvještavanje

Članom 29. regulisano je finansijsko izvještavanje o izvršavanju Budžeta i to na sljedeći način: Ministarstvo finansija dužno je podnositi Vladi mjesečne finansijske izvještaje u roku od najviše 30 dana, a tromjesečne i polugodišnje finansijske izvještaje u roku od najviše 60 dana, od završetka svakog izvještajnog razdoblja.

Članom 30. regulisano je da su korisnici dužni, prema instrukcijama Ministarstva finansija, izraditi tromjesečne finansijske izvještaje sa obrazloženjem koja se odnose na programske rezultate izvršavanja budžeta i godišnji obračun svog finansijskog plana za prethodnu godinu. Takođe je propisano da se tromjesečni finansijski izvještaji podnose Ministarstvu finansija u roku 30 dana od isteka svakog tromjesečja, a godišnji obračun najkasnije do kraja februara tekuće godine.

Članom 31. utvrđuje se obaveza resornih ministarstva koja su nadležna za implementaciju razvojno-investicionih projekata iz Programa javnih investicija Kantona Sarajevo, finansiranih iz Ino kreditnih sredstava, da kvartalno dostavljaju izvještaje Ministarstvu finansija o utrošku sredstava obuhvaćenih planom za 2012.godinu, po projektima.

Članom 32. regulisano je da je Ministarstvo finansija obavezno izraditi godišnji obračun do kraja februara, a godišnji izvještaj o izvršavanju Budžeta za prethodnu godinu do kraja maja tekuće godine i isti dostaviti Vladi, te da je Vlada obavezna izvještaj o izvršavanju Budžeta iz prethodnog stava podnijeti na usvajanje Skupštini Kantona u roku do šest mjeseci od završetka fiskalne godine. Izvještaj o izvršavanju Budžeta izrađuje se u skladu sa Zakonom o budžetima u Federaciji Bosne i Hercegovine.

Članom 33. regulisano je da Vlada na prijedlog nadležnih ministarstava dva puta godišnje razmatra izvještaje o poslovanju vanbudžetskih korisnika.

VI Revizija i kontrola Budžeta

Članom 34. regulisano je da reviziju Budžeta vrši Ured za reviziju budžeta – proračuna u Federaciji Bosne i Hercegovine u skladu sa zakonom, a nadzor nad korištenjem sredstava od strane korisnika obavlja Ministarstvo finansija – Budžetska inspekcija na način koji propiše Ministar finansija. Ovim članom je takođe utvrđeno da su korisnici obavezni urediti sistem interne kontrole u skladu sa međunarodnim standardima interne kontrole i organizovati internu reviziju u skladu sa Zakonom o budžetima u Federaciji BiH i drugim propisima.

VII Transparentnost i javnost Budžeta

Članom 35. regulisano je da će se, u cilju obavještavanja javnosti o upravljanju javnim prihodima, izvršavanje Budžeta objavljivati ukupno i po korisnicima i to: godišnje u

"Službenim novinama Kantona Sarajevo", a tromjesečni i polugodišnji izvještaji na službenoj stranici Ministarstva finansija.

VIII Kaznene odredbe

Čl. 36., 37. i 38. utvrđene su novčane kazne za prekršaje odgovornom licu korisnika Budžeta, što je u skladu sa Zakonom o prekršajima.

IX Prelazne i završne odredbe

Članom 39. ovlašćuje se Ministar finansija da donosi podzakonske akte.

Član 40. reguliše da se na sva pitanja koja nisu obuhvaćena ovim zakonom primjenjuje Zakon o budžetima u Federaciji Bosne i Hercegovine.

Članom 41. utvrđuje se stupanje na snagu zakona.

Donošenjem Zakona o izvršavanju Budžeta Kantona Sarajevo za 2012.godinu stvoriti će se uslovi za zakonito, blagovremeno i transparentno izvršavanje Budžeta.

Bosna i Hercegovina
Federacija Bosne i Hercegovine
KANTON SARAJEVO
Ministarstvo pravde i uprave



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-07-02-29054/11
Sarajevo, 11. novembar 2011. godine

MINISTARSTVO FINANSIJA

Predmet: Mišljenje o usklađenosti nacrtu Zakona o izvršavanju budžeta Kantona Sarajevo za 2012. godinu sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda

U skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo («Službene novine Kantona Sarajevo», br. 7/08, 16/08-Ispravka i broj 14/10) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj 7/06-Novi prečišćeni tekst), Ministarstvo pravde i uprave razmotrilo je nacrt navedenog zakona i daje slijedeće

MIŠLJENJE

Nacrt Zakona o izvršavanju budžeta Kantona Sarajevo za 2012. godinu nije u suprotnosti sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda.

DOSTAVLJENO
1. Naslovu
2. Arhiva



MINISTRIČA

Dijana Tabori
Dijana Tabori



e-mail: pravda@ks.gov.ba; www.ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1



Bosna i Hercegovina
 Federacija Bosne i Hercegovine
KANTON SARAJEVO
 Ured za zakonodavstvo
 Vlade Kantona Sarajevo



Bosnia and Herzegovina
 Federation of Bosnia and Herzegovina
CANTON SARAJEVO
 Office for legislature of Sarajevo
 Canton Government

Broj: 09-02-29053/11
 Sarajevo, 10.11.2011. godine

KANTON SARAJEVO
 MINISTARSTVO FINANSIJA

PREDMET: Stručno mišljenje na nacrt Zakona o izvršavanju Budžeta Kantona Sarajevo za 2012. godinu.-

Na osnovu člana 2. Uredbe o načinu za zakonodavstvo Vlade Kantona Sarajevo («Službene novine Kantona Sarajevo», br. 7/06-Prečišćeni tekst) i čl. 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 21/11-Novi prečišćeni tekst), Ured za zakonodavstvo Vlade Kantona Sarajevo, daje sljedeće

MIŠLJENJE

1. Nacrt Zakona o izvršavanju Budžeta Kantona Sarajevo za 2012. godinu uskladen je sa odredbama ustava i odredbama Zakona o budžetima u Federaciji Bosne i Hercegovine.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa («Službene novine Kantona Sarajevo», broj: 21/11-Novi prečišćeni tekst), te se isti može razmatrati na jednoj od narednih sjednica Vlade Kantona Sarajevo.

Dostaviti:
 1. Naslovu
 2. Evidencija
 3. Arhiva



SEKREČAR

Alina Đubović, dipl. pravnik



web: <http://uz.ks.gov.ba>
 e-mail: ured@ks.gov.ba
 Tel./fax: +387 (0) 33 540 118
 Sarajevo, Hamida Džudina

